

ՄՍԵՐ ՄՍԵՐՅԱՆԸ ՆԱՄԱԿՆԵՐՈՒՄ

XIX դ. երկրորդ կեսի հայ մանկավարժ և հրապարակախոս Մսեր Մսերյանի (1808—1873) և նրա որդի Զարմայրի (1836—1899) հարուստ արխիվը, որ պահվում է ՀԱՍՏ Մաշտոցի անվան Մատենադարանում, մեծ հետաքրքրություն է ներկայացնում ժամանակի արևելահայ հասարակական հոսանքների պատմության ուսումնասիրման տեսակետից: Այն պարունակում է ոչ միայն ժամանակի հոգևոր ու աշխարհիկ հայտնի գործիչներից Մսերյանների ստացած րազմապիսի նամակները, այլև Մսերի գրած նամակների պատճենները և կամ ակադրությունները: Այս հանգամանքն, անշուշտ, ավելացնում է արխիվի ճանաչողական և դիտական արժեքը:

Ստորև հրապարակվող վավերագրերը կապվում են 1853 թ. լադարյան ճեմարանում Մի-բայել Նալբանդյանին ուսուցչական վկայական տալու հարցի, ինչպես և 1853-ի աշնանը նրան հետապնդելու, ապա ձերբակալել տալու գործում Մսերյան-Ջալալյան խմբակցության հետևողական գործողությունների հետ:

«Արշալույս Արարատյան» թերթի խմբագիր Ղուկաս Պալղազարյանին ուղղած Մսերի նամակը, անուղղակիորեն հաստատում է այն որոշակի գերը, որ կատարել է Մսեր Մսերյանը՝ «էկոնի վիշտը» պոեմի հեղինակին հալածել տալու գործում: Ընդ որում նամակը մատնում է նաև Նալբանդյանի նկատմամբ նրա տածած բուռն ատելությունը, որը չէր մեղմացել անգամ Նալբանդյանի ողբերգական մահից հետո:

Ինչ վերաբերում է Նոր Նախիջևանի և Բեսարաբիայի թեմակալ առաջնորդ Մատթեոս Վեհապետյանին ուղղված երեք նամակներին, որոնք կապվում են Խ. լադարյանի աղչիկների «չհաս» պատկի պատմության հետ, ապա դրանք բացահայտում են Մսերի՝ 1850—1860-ական թվականների կղերաֆեոդալական հոսանքի պարագլուխներից մեկի բարոյական պարսավելի նկարագիրը, պարագլուխ, որի դեմ տարիներ շարունակ իրերի բերումով պայքարի մեջ էին լուսավորական շարժման հայ գործիչները:

Մ. Հ. ՄԽԹԱՐՅԱՆ

№ 1

Վ Ե Ռ Վ Փ Կ Ո Ւ Մ Տ Է Ր Ի Մ՝

՝ի 8և—գեկ.

՝ի 1853 ամի և յաղդ, ՌՅՊ:

՝ի Նոր Նախիջևան:

Առաքեմ ընդ այս ՝ի ծանոթութիւն զնամակ յարգելի Մսեր վարժապետի և խոնարհաբար յայտնեմ, թէ մինչ ես ի Քիշնե գտանէի քաղաքի¹, էհաս անդանօր թղթակցութիւն մագիստրատին Նախիջևանու առ ՝ի վերադարձուցանել զՈւստայեան դպիրն (որ այժմ գինքն անուանէ Նալբանդեան), սակայն փոյթ ընդ փոյթ ընկալեալ եղև եղանակ և առաքեցաւ նա ի Մոսկով, որպէսզի ստացի ի Մսեր վարժապետէ զվկայական իւրոյ ուսման և այնու վկայականաւ կարգեսցի վարժապետ ի նմին ճեմարանի կամ այլուր, զի այսու դիտաւորութեամբ լցուցէ զբաղձանս, հակառակ իւրոյ կոչողին: Ես ոչ անփոյթ գտեալ զայսմանէ զգուշացուցի ըստ պատկանելոյն զյիշեալ վարժապետն յայտնելով նմա զհանգամանք իրին²: Այժմ ևս պարտ անձինս վարկանեմ, համաձայն մտաց նամակի յիշեալ վարժապետի, առաքել աստէն զամսաթիւ և զհամար թղթակցութեան տեղույս մագիստրատի առ պօլիցեայն Մոսկուայ, որպէսզի զգուշացեն և գիտացեն, թէ յիշեալ Նալբանդեանն հրամանաւ իշխանութեան պարտի դառնալ ՝ի Տփլիս:

Նորին ազնուութիւն աղայ Յարութիւն Խալիպեանց հայեցեալ ՝ի պարազայս ժամանակին, ՝ի ժամ ընտրութեան նոր քաղաքական դիտոյ, լաւ համարեցաւ հրաժարել ՝ի գործոյն և ՝ի աեղի նորա կարգեցաւ աղայ Մանուկն Ալաշալեան:

Երեցփոխան Քիչնեու եկեղեցւոյ Յարութիւն Ստեփան Մածուկեան, որում յանձնեալ եղև կառաւարութիւն կրպակաց տեղւոյն, որ էր ընդ իշխանութեամբ աղայ Կարապետի Անուշեան, հարուածեալ է կաթուածովք:

Նուաստ ծառայ Սարգիս վարդապետ Զալալեանց*
Կաթողիկոսական դիվան, թղթ. 159,
վավ. 139, էջ 170

130 նոյեմբերի
1853 ամի
ի Մոսկուա

№ 2

Ձերոյին գերապատուութիւն Աստուածաշնորհ Հայր հոգևոր

Ընկալեալ զարժանայարգ նամակ Ձեր, տողեալ ՚ի 17 ամսոյս, կարևոր դատիմ փութալ ՚ի դարձ պատասխանոյ՝ առ ի տալ խորհրդաբար գլխադայդ տեղեկութիւն:

Յետ ստանալոյ իմ ղկանխագիծ գրութիւն սրբոյ Հօրդ ՚ի մասին ստահակ պատանդոյն, գգուշացայ խոհեմութեան ճանապարհաւ ՚ի մասնակից լինելոյ կամ յօժանդակելոյ իւրք ՚ի կատարումն նպատակի մտացն, որոյ վասն եկեալ էր նա. մինչ ղի տեսանելով նորա, թէ չունի ինչ օգտիլ յինչէն, չոգաւ աստի վաղվադակի ՚ի Պ. բուրգ, ուր և զամենայն հնարսն ՚ի գործ եղեալ և պատրեալ զաղանեմիտսն՝ հաճեցոյց զնոսա յընդունել զինքն ՚ի թիւս ուսուցչաց ճեմարանի:

Մինչև ցայնժամ խոհեմութեամբ վարկայ ես լռել՝ ակն ունելով, թէ ինքնին ՚ի յայտ եկեսցեն գաղտնիք խաբեութեան՝ ՚ի գրելն Հ. կառաւարութեան կամ մագիստրատի տեղւոյդ գայնմանէ առ խորհրդարանն ճեմարանի կամ առ զինուորական գաւառապետն տեղւոյս:

Իսկ իբրև տեսի, թէ չիք ուստեք գրաւոր ինչ տեղեկութիւն, փութացայ ազդ առնել խորհրդաբար վերատեսչի ճեմարանին, և միջնորդութեամբ նորա՝ կառավարչին, թէ պատանին այն, որում յանձնեալ է ուսուցչութիւն հայկական լեզուի ի ասորիին դասատունս՝ է այսպիսի կամ այնպիսի ոք, և թէ ընդունելն զնա ի պաշտօն՝ անպատուութիւն մեծ բերէ ճեմարանին և մեզ իսկ գլխովին:

Յիմանալ կառաւարչին գայս, ծանոյց իսկոյն խորհրդաբար որում հարկն էր ՚ի Պետերբուրգ: Եւ զի վարժապետութիւն պատանդոյն չև էր հաստատեալ ընդ օրինի, մնաց գործն ՚ի կախ և ընդ երկբայութեամբ մինչև ցայսօր:

Ի վերջնում նամակի Ձեր դրեալ էիք, թէ «տեղւոյս մագիստրատն պահանջեաց ՚ի պօլիցայէն Մոսկուայ, առաքել առ ինքն զստահակ նալբանդեանն և այլն...»: Սակայն մինչ ցայս կէտ գրութեանս պօլիցայն տեղւոյս շարար ինչ հարց և քննութիւն վասն այդորիկ: Երևի թէ դեռ չէ ստացեալ զգրութիւնն մագիստրատի: Եթէ արդարև պահանջեալ իցէ կամ պահանջիցէ մագիստրատն զյիշեալ պատանին ի պօլիցայէն տեղւոյս կամ ՚ի կառաւարութենէ ճեմարանին, անշուշտ արձակեսցեն զնա ՚ի ճեմարանէ, և առաքեսցեն այդր: Քանզի ոչ ոք յանձն առնու հակառակել օրինաց: Բայց պահանջումնս այս պարտի լինել փութով՝ առանց անագանութեան, զի եթէ անցանիցէ այլ ևս ամիս մի, յայտ է թէ հաստատեն օրինօք զվարժապետութիւն նորա, և յայնմհետէ դժուարին լինի հանել զնա ՚ի պաշտօնէ: Ուրեմն ջա՛ն դիք փութացուցանել աւուրբ յառաջ զպահանջողական գրութիւն մագիստրատին առ պօլիցայն տեղւոյս կամ առ զինուորական գաւառապետն:

Ո՛չ անօգուտ ինչ լինի, եթէ Դուք ևս Ձերով գրութեամբ փութասցիք գո՛նէ վերատեսչի ճեմարանին Մկրտչի Յովսեփեան էմինայ ծանուցանել մանրա-

* Ներսէս Աշտարակեցու մակագրութիւնը նամակի վրա՝ «Սարգիս վարդապետ Զալալեանց, 26 դեկտեմբեր բնկալայ»:

մասնաբար զանցս իրացն, զի այր խոհեմ է նա և խորհրդապահ. և կարէք անկասկածաբար հաղորդել նմա զՁեր խորհուրդս:

Ակն ունելով անյապաջ ընդունել զպատասխանի գրոյս առ 'ի միամտութիւն՝ մնամ յանկեղծ սրաէ**:

Ձերոյին գերապատուութեան նուաստ ծառայ.
Մ. Մսերեանց:

Հաթոգիկոսական գիվան, էջ 171

'ի 6 օգոստ.
1853 ամի:

№ 3

Առ Մատթէոս արքեպիսկոպոս աստղծորդ Պետարապիոյ և նոր Նախիջևանի

Ընկալեալ զտողեալն յՑ Յուլիսի զարժանայարդ գրութիւն Ձերոյին սրբազնութեան, և ծանոթացեալ այնու ցարդ անծանոթին ինձ՝ թղթաբերի***, և ապա հասու եւ եղեալ 'ի նորուն բերանացի պատմութենէ՝ գիտաւորութեանցն Ձերոյ վասն նորա, պարտ անձին վարկանիմ տալ զհետագայ տեղեկութիւնդ:

Ճեմարանն չազարեան ունի իրաւունս 'ի հարցաքննութիւն ընդունելոյ: միայն զաշակեթեալսն 'ի ծոցի իւրում: Վասն որոյ վարժեալքն յայլ ուսումնարանս կամ 'ի դպրոցս՝ եթէ կամիցին ստանձնել 'ի ճեմարանիս զպաշտօն ուսուցչի արեւելեան լեզուաց՝ յորոց մի է և հայկականն, պարտին զօրինաւոր վկայականն վասն ուսման իւրեանց ունել յայնց ուսումնարանաց, յորս վարժեալքն են: Եւ եթէ չունիցին զայն, պարտին նախ հարցաքննիլ 'ի համալսարանին Պ. բուրգայ, և ապա անդուստ առնուլ զվկայականն որպէս և ոմն 'ի նորեկ վարժապետաց տաճկական լեզուի շունելով զպահանջեալ վկայականն շոգաւ աստի ամսովք ինչ յառաջ 'ի Համալսարան անդր և հարցաքննեցաւ 'ի տաճկական լեզուի, և ունի դարձեալ հարցաքննիլ յայլ ասիական լեզուս. եւ և 'ի Ռուսացն:

Յայտոսիկ հանդամանս իրացն հայեցեալ նախայիշեալ թղթաբերն՝ հարկեցաւ դիմել փութանակի 'ի Պ. բուրգ, ակն ունելով զիարդ և իցէ տնօրէնութեամբ և հրամանաւ Հոգաբարձուի՝ ճեմարանին՝ ըստ Ձերում յանձնարարական գրութեան առ նա՝ կատարումն տալ գործոյն: Եւ արդարեւ չել 'ի դերեւակնկալութիւն նորա, զի (որպէս գրէ նա ինքն 'ի նամակին՝ որ առ իս քէն ամսոյս)², բարեսիրտ Հոգաբարձուն յարգելով զխնդիր Ձեր՝ գրեաց հրաման 'ի կառավարութիւնն ճեմարանի՝ ընդունել զնա 'ի շարս ուսուցչաց հայկական լեզուի: Հրամանագիրս այս հասեալ առ իս այսօր՝ տուաւ 'ի կառավարութիւն անդր: Այլ զի չէ՝ աստ այժմ կառավարն ճեմարանի (զի գնացեալ է 'ի գիւղն իւր) հարկ 'ի վերայ կայ սպասել դարձի նորա՝ առ 'ի գործ դնելոյ զհրամանն զայն: Իսկ ընտրեալն 'ի պաշտօն ուսուցչութեան՝ կարէ ցայնժամ մնալ 'ի Պ. բուրգ յաւաքտել զիւր քննութիւն: Յետ այնորիկ 'ի վերադառնալն այսր, յայն: է, թէ ունի նա ուսուցանել զլեզուն հայոց յայնոսիկ դասարանս՝ յորս դասատու կարգել հաճեցի կառավարիչն ըստ խորհրդոյ Տեսչին՝ որում յանձնէ ուսումնական կարգաւորութիւն:

Մնամ...

'ի Մոսկուա
Մ. Մսերեանց:

Մտերյանների ֆոնդ, թղթ. 207, վավ. 1972

** Այս վավերագիրն օգտագործել է Աշ. Հովհաննիսյանը (Ննալբանդյանը և նրա ժամանակը, I զիւրք, Երևան, 1955, էջ 64):

*** Այն է՝ Միքայէլ դպրի Նախիջևանցոյ, որոյ առմանունն զառաջինն էր Վնատայեանցս և ապա փոխեալ էր 'ի Վնալբանդեանցս:

Առ Մատթեոս արքեպիսկոպոս տառլնորդ
Պետաւրապիոյ և Ն. Նախիջևանցի

Ակն ունիմ, թէ զդրութիւն իմ առ Ձերդ սրբազնութիւն տողեալ յամսոյս 2, ստացեալ իցէք հանդերձ խոնարհական ընծայաբերութեամբս, այն է միով «Հրահանդ քրիստոնեական» անուանեալ մատենիւ՝, զոր ՚ի լուս ընծայեցի ՚ի պէտս ուսումնատենչիկ մանկտոյ ազգիս:

Երկրորդիս այսմ դրութեան պատճառս է եկաւորումն այսր ՚ի Պ. բուրգայ մերազնեայ ազնուականին՝ Ազաֆոնի Դաւթեան Հաքիմեանց և իշխանապետին Յովհաննու լազարեանց, որք մտին ՚ի քաղաքս յամսոյս 8: Առաջինն ՚ի սոցունց յետ աւուրց ինչ ունի գնալ ՚ի գիւղ իւր և երկրորդն կամի ուղևորիլ ՚ի Տփլիս, և ապա անտի անցանել յէջմիածին²: Եւ զի ցանկութիւն էք նորա և ընդ Ձերում սրբազնութեան ծանոթանալ, ՚ի մտի եղ նախ առ Ձեզ դիմել, բայց լուր առեալ, թէ հանդերձիք Դուք ՚ի մօտ աւուրս գնալ ՚ի Քիշնե, բարութ համարեցաւ յամեցուցանել զճանապարհորդութիւնն. և այժմ իմովս բանիւ խնդրէ ՚ի Ձէնչ, զի եթէ չև ևս մեկնեալ իցէք ՚ի քաղաքէդ, մնասջիք այդր գոնէ ամիս մի ևս մինչև ցժամանել իւր այդր: Եթէ հաճոյ և ո՛չ անկարելի թուիցի Ձեզ կատարել զխնդիրս զայս, հաճեսջիք աղաչեմ՝ փութանակի յայտնել ինձ գրով: որպէսզի կարողացայց և ես միամտեցուցանել զնա այնու:

Իործն՝ որոյ վասն յանձն առնու նախայիշատակեալ Հայրենասէրդ զայնչափ երկարազնաց ճանապարհորդութիւն³ ըստ շատ և շատ թախանձանաց լազարեան իշխանապետաց, է՛ կարևոր ինչ և այնչափ կարևոր, մինչև ըստ ասելոյ նորա յաջողուածով կատարումն նորին ունի յառաջ ածել բարութիւնս մեծամեծս թէ՛ վասն ազգի մերոյ և թէ՛ վասն լազարեանց տոհմին, որպէս և անկատար մնալն՝ վնասս աղետալիս: Զայս ամենայն, Հա՛յր, դուք ինքնին կարեք ՚ի միտ առնուլ՝ կշռել և դատել ըստ Ձերում խոհականութեան՝ յորժամ լիապէս տեղեկասջիք հանգամանաց իրին: Պարտ է ասել և զայս, զի անուն և յարգ առնդ մեծ է յայտոսիկ կողմանս, մանաւանդ առաջի պաշտօնակալաց պետութեան, սակա գործունեութեան և աշխրջութեանն ՚ի բազում գործս և յաւէտ ի քաղաքականս. ոյր աղաքաւ և իշխանապետքն լազարեանք երկոքին եղբարք՝ Յովհաննէս և Խաչատուր՝ զդա ինքն ընտրելով ինքեանց խորհրդական հաւատարիմ, առաքել կամին առ Վեհափառ Հայրապետն մեր առ ՚ի խօսել ՚ի դիմաց իւրեանց զդիտաւորութենէն զոր ունին: Իսկ ես աւելորդ համարեալ աստանոր զգովութիւն առնդ երկարել, զայս միայն փութամ աղդ առնել, զի Դուք ևս զոր ինչ բարի խորհուրդս կամ դիտաւորութիւնս ունիցիք թէ՛ վասն կարգաւորութեան վիճակի Ձերոյ և թէ՛ վասն այլոց առանձնական գործոց, կարո՞ղ եք անկասկած մտօք հաղորդել բժմա, ըստ որում կարէ դա զամենայնն ՚ի գլուխ հանել գեղեցիկ յաջողուածովք, և առնել ևս զի նաև Ձերումդ անձին յաւելցին յիւրումն ժամանակի փառք և պատիւ ՚ի Վեհագունէն. միայն հարկ է, զի յօժարեսջիք արդեն համակերպել զկամս Ձեր ընդ կամաց իշխանապետացն ՚ի կատարումն խորհրդոյն՝ զոր ունի նա յայտնել Ձեզ առանձնաբար բերան ՚ի բերան խօսելով: Եթէ խիթալի ևս թուիցի իրդ ՚ի պատճառս արտաքոյ նախնագունիցն գոլոյ կանոնաց և սովորութեանց, չէ՛ ինչքանզի հայելով ՚ի շարիան, որ երկոցունց կողմանց՝ զփոքրագոյնն ընտրել ՚ի դե՛պ է. նա՛ զի թերևս դուք ինքնին ևս ընդ աստուածայնոյն Պաւլոսի՝ ուխտիւք խնդրեք նշով լինել ՚ի Քրիստոսէ վասն եղբարց և ազգականաց ըստ մարմնոյ՝ որք են Հայկազնեայք:

Մնամ...
Ի Մոսկուա
Մ. Մսերեանց

**Առ Մատթեոս Աբխեպիսկոպոս՝ առաջնորդ
Պեսարապիոյ և Ն. Նախիջևանի**

Ազնուական հայրենասէրն մեր՝ Ագաֆոն Դաւթեան Հաքիմեանց (զորմէ լիով դրեալ եմ ՚ի նամակի իմում առ Ձեզ ՚ի 23 է՝ յուլիսի) յամսոյս ուղեւրեցաւ աստի գալ առ Ձեզ՝ առ ի խօսել առանձնաբար զկարեւորագոյն խորհրդոյն՝ ըստ յատուկ յանձնարարութեան իշխանապետացն Լազարեանց, որք մեծաւ յուսով ակն ունին՝ թէ Ձերովդ խոհական տնօրէնութեամբ ՚ի գլուխ ելցէ գործն առանց մեծի դժուարութեան, ըստ որում զդժուարինսն դիւրացուցանել՝ գործ է խոհականութեան:

Եթէ ըստ բաղձանաց իշխանապետացն և ըստ ջանից առնդ ազնուականի արդիւնասցի խորհուրդն այն, մարթ է յուսալ՝ թէ ո՛չ միայն ազգի մերում և եկեղեցւոյ յառաջասցին բարիք մեծամեծք, այլև Ձեզ իսկ առանձինն, այլովքն հանդերձ, քանզի զի՛նչ և խնդրել ունիցիք՝ յանձն առնուն նոքա կատարել. միայն կամին, զի դուք մի՛ հրաժարեսցիք ՚ի համակերպելոյ զկամս Ձեր ընդ նոցայոցն՝ պատճառելով զվաղնչուց կանոնս կամ կասկած ինչ կրեւով ՚ի Հայրապետին կողմանէ, կամ խիթալով գայթակղութիւն տալ ժողովրդեան: Թէպէտ և երեքին պատճառքդ ըստ բաւականին զօրաւորք երեին, բայց մեք հայելով յայլևայլ պարագայս իրին՝ յայտնի իսկ կարեմք գուշակել, թէ ՚ի վախճանի այդ ամենայն ա՛յնպէս կորուսանել ունին զոյժ իրեանց, մինչև շատիկել խափան արկանել գործոյն. և այս ևս վասն երից պատճառաց: Մի՛ զի դուք, գլուխ օրինաւոր Տեսուչ և առաջնորդ Ձեզ յանձն եղելոյ հօտի, ունիք իրաւամբք զօրէնս ՚ի Ձեր ձեռս, և որպէս բարւոք համարիցիք՝ իշխան եք տնօրինել երբեմն զայնպիսի ինչ՝ որ թեև արտաքոյ իցէ առաջնոցն կանոնաց, այլ վասն հարկին ստիպելոյ կարեւոր դատի և օգտաբեր: Երկրորդ՝ զի և նորին վեհափառութիւնն թէպէտ և գծուարանայ յայտնապէս տալ զհաւանութիւն իւր առ այն, բայց (որպէս զեկուցեալ է հաւատարմի ուրումն բերանով) ինքն ևս յօժար է, զի այլք առանց ինքեան ծանուցանելոյ՝ կատարումն տացեն գործոյն և ՚ի լինել այսր այսպէս, ոչ այլ ինչ պահանջի, բայց միայն լռութիւն ՚ի նորուն կողմանէ: Երրորդ՝ զի որովհետև Դուք՝ ո՛չ հանրական գլուխ եկեղեցւոյ, այլ՝ մասնաւոր Տեսուչ եք միոյ և եթ Վիճակի, մեղմելն Ձեր զխստութիւն օրինաց յայնպիսում դիպուածի, որ ունի իրաւացի պատճառս, չկարէ լինել օրինակ ամենեցուն լընդհանուր ազգիս, և կամ տալ ումեք գայթակղութիւն:

Արդարև ճշտիւ և անթերի պահպանութիւն եկեղեցական օրինաց՝ բարի է ըստ ինքեան, և չէ՛ պարտ վասն որո՞յ և իցէ առանձնական կամ մասնաւոր օգտի ապախտ առնել զօրինօք, սակայն յորժամ չիցէ հնար պահել զայնս առանց մեծի վնասու կամ առանց խափանման հասարակացն բարւոյ, արժան է յայնժամ Առաջնորդաց ժողովրդեան, որպէս ուսուցանեն աստուածաբանք, ի վար արկանել զգերարդարութիւն՝ փոխելով կամ չափաւորելով կամ բացատրելով զօրենսն ըստ մտաց կամ դիտման օրինադրին. և այն՝ խորազնին վսեմ դատողութեամբ, որում աստուածաբանք անուն տան գերզգօնութիւն: Առ այս օրինակ ունիմք, բաց յայլոց, և զմարգարէն Դաւիթ, որ ՚ի քաղցնուլն՝ գերարդարութիւն առնելով՝ եմուտ ՚ի տաճարն աստուծոյ և առանց մեղաց եկեր և ետ ուտել որոց ընդ իւր էին՝ զհացն զառաջաւորութեան, զոր օրենք՝ քահանայից և եթ թոյլ տային ուտել (Մատ. Ժբ): Եւ այն օրինազանցութիւն Մարգարէին՝ ո՛չ միակն անմեղադրելի, այլև իբրև գովելի իմն համարի ըստ Տեսուչական բանին, զի կեանք մարդոյ է մեծագոյն բարի, զոր առաւել դիտէ օրէնսդիրն, քան զծիսական օրինացն պահպանութիւն: Սոյնպէս և Դուք տեսանելով արդեն զմեծագոյն վնասն ապագայ, որ ունի յառաջ գալ ՚ի խստիւ պահպանութենէ կանոնացն եղելոց յաղագս ազգահամարոյ ամուսնութեան, մարթէք թույլտուութեամբ իմն Տնօրինումն առնել ըստ առաջնորդական իշ-

խանութեանն Ձեզ տուելոյ, զի ուր հարկն ստիպէ՝ անմեղադրելի է տնօրինումն, իսկ ուր օգուտն հասարակաց պահանջէ՝ գովելի է, ըստ միաձայն վճռոյ աստուածաբանից:

Ի վախճանի՝ զա՛յս ինչ ևս կարևոր համարիմ ա՛զդ առնել խորհրդաբար՝ Ձերում սրբազնութեան, զի եթէ օրինապէս ըստ հաճութեան և հրամանի Հոգևոր առաջնորդաց անհնարին դատեսցի գործոյն կատարումն, իշխանապէտքն հաստատեալ են՝ ի միտս (որպէս ասաց ինձ մին՝ ի նոցանէ)՝ ի գլուխ տանել: զայն՝ ալլո՛վ իմն եղանակաւ, որ հնարաւոր է. և յայնմ հետէ մի՛ ի բազմաց վնասուց լինի և այն՝ զի հովացեալ նոցա՝ ի սիրոյ հայրենեաց, ո՛չ ևս քաղցր՝ ակամբ ունին հայիլ՝ ի մանկունս ազգիս՝ որք առաքին ի ճեմարան նոցա՝ ի կողմանց կողմանց Հայաստանի:

Ի Մոսկուա.
Մ. Մսերեանց

Մարտի 1970 թ. փետ. 1970

№ 6

Ի 16 օգոստ.
1851 ամի

Առ Մատթեոս Արքեպիսկոպոս անաղնուրդ
Պետաւապիոյ և Ն. Նախիջևանի

Վասն նամակացն, զորս դրեալ իմ յանուն Ձերդ Սրբազնութեան ի 23 յուլիսի և ի 13 ամսոյս, պարտս ինձ համարիմ այսու երրորդ գրութեամբս ծանուցանել Ձեզ խորհրդաբար, զի այնոքիկ ո՛չ գրեցան իմով յօժար կամօք, այլ իհարկեմ, և համարեա՛ թէ բռնադատ կամօք. քանզի չեղև ինձ հնարաւոր իւրեք եղանակաւ պրծանիլ ի ձեռաց ահդու թախանձողին՝, որ երդնոյր կրկին և երեքկին յարեն՝ իւր և յարեն իւրոց զաւակաց, թէ Սրբազնագոյն Հայրապետին մերոյ այս իսկ է կամք. և թէ նորին Վեհափառութիւնն՝ ո՛չ միայն բերանով առն ուրումն աստիճանաւորի եկելոյ յէջմիածնէ ի Պ.բուրգ, այլև առանձին գրով խորհուրդ է տուեալ Վեհազնեայց**** առնել զոր խորհինն յօգուտ ազգատոհմի իրեանց՝ ի ձեռն վիճակաւոր առաջնորդի, բաւական համարելով իւրմէ կողմանէ զլուկ լուծութիւնն կամ զանտես առնելն: Զայսոսիկ թերևս և Ձեզ ասիցէ նախալիշեալ թախանձարկուն. բայց (խոստովանաբար ասեմ) այժմ ո՛չ բոլորովին աներկբայելի թուին ինձ բանքդ. զի ո՛չ զգիրն տեսեալ եմ երբեք, և ո՛չ զբանբեր աստիճանաւորն գիտեմ՝ թե ո՛վ է. մանաւանդ զի քաջ իսկ յայտնի է ինձ խորախոհ նկատումն և ամենազգոյշ արթնութիւն Վեհափառ Հայրապետին մերոյ յամենայն յայսպիսի դէպս: Վասն որոյ, թէ ինձ կամիցիք լսել, բարւոք առնեք չվստահանալ գլխովին և վաղվադակի յո՛ր և իցէ բերանացի բանս (որպէս եսս վստահացայ չգովելի պարզմտութեամբ). այլ՝ տեղեկանալ նախ ստուգութեան ասացելոցն, և ապա ձեռնամուխ լինել ի տնօրէնութիւնն, զոր հաճոյ թուիցի Ձեզ առնել, որպեսզի լինիցի այն՝ մի՛ Ձերով և եթ առանձնական հաճութեամբ, այլ գո՛նէ նաև լուկ համաձայնութեամբ նորին Վեհափառութեան: Եւ զայս դիւրին լինի Ձեզ առնել, եթէ խոհեմութեամբ (գովելի խորագիտութեամբ) ջան դիջիք յերկարաձգել զիրան ցժամանակ մի, և եթէ խնդրեսցիք ևս աչօ՛ք տեսանել կամ զիսկական նամակն գրեալ ի նորին Վեհափառութենէ առ Վեհազնեայսն ի մասին այնր խորհրդոյ, և կա՛մ զպատճեն նորին դրեալ ի հաւատարիմ անձնէ:

Թեպետ և ակն ունիմ, թէ Դուք ինքնին Ձերով խոհական հանճարով կարող եք ի միտ առնուլ զայսոսիկ՝ և ըստ այնմ տնօրինել զպատշաճն՝ առանց ումէք գայթակղութեան պատճառս տալոյ, կամ առանց տարաձայնութիւն ծնուցանելոյ ի միջի ազգայնոց մերոց, սակայն և ես ահա յիմմէ կողմանէ՝

**** Լազարեան իշխանապետաց:

իրեն հարազատ որդի սուրբ եկեղեցւոյ Հայաստանեայց՝ պարտ անհրաժեշտ համարելով գրել զոր գրեցիս, մնամ...

ի Մոսկուա
Մ. Մսերեանց

Մսերյանների ֆոնդ, վավ. 1971

№ 7

ի 20 էն հոկտ.
1867՝ ամի

ի նամակին՝ ուր առ Ղ. Պալղազարեան, ի Զմիւռնիա
Առանձին բարեկամական ազգաբարձրութիւն

Ջարմացայ ես զարմացին թերևս և այլք ընդ ա՛յն, զի յ809 թին Արշալուսոյ՝ (չգիտեմ՝ որո՞վ դիտմամբ և յորմէ՞ ոգւոյ շարժեալ) ՚ի գովութիւն առնուք զպարսաւելին ըստ բազում գիտոց՝ զպայտական գրքոյկն²... համարելով՝ թէ հեղինակ նորին (կամ դիմակակիրն հեղինակի)³ ազգասէր երիտասարդ ոմն իցէ, և թէ՛ նա ՚ի հայրենասիրական եռանդուն ոգւոյ շարժեալ մեծ տաղանդով ու սրտաշարժ կերպիւ նկարագրեալ իցէ զդժբախտ վիճակ Հայաստանի, և խստիւ քննադատեալ իցէ զփառասէր և զարծաթասէր երևելի ազգային՝ առանց խնայելոյ ՚ի մեծագոյն մասն վարժապետաց և ՚ի կղերս, զորս անուանէ նա բարեկամս խաւարի և տգիտութեան: Եւ ապա յաւելուք ևս, թէ ճշայրենասիրութեան և ազատասիրութեան ոգին կատարեալապէս կրտիրէ այս պատուական (պայտական) գրքուկին մեջս:

Եթե Զերով ընտրողութեամբ իցէք դրեալ զդոսին՝ սխալեալ եք, իսկ եթէ այլոցն և եթէ ձայնակցութեամբ՝ պատրեալ եք: Ըստ իս՝ յամենայն ասացեալսդ ա՛յն միայն է ճշմարիտ, զի մեծատաղանդ քերթողդ զամենայն կղերս, ընդ որս և զայնոսիկ՝ առ որս քարածիգ լինել ջանայ, ճարեկամս խաւարի և տգիտութեան՝ անուանէ եւ թերևս այդ իսկ իցէ ստոյգ նշանակ նորա աղատասիրութեանն, և դովին իսկ պատճառաւ արժանացեալ իցէ գեղեցիկ դրուատեացդ: Բայց Զեզ չի՞ք ինչ վնաս յայդմանէ, զի որ համարեն զԶեզ մինչև ցայժմ մի ՚ի խաւարին բարեկամաց, ունի փոխադրել յայսմհետէ ՚ի կաճառս լուսաւորելոց:

Զէ՛ մարթ անտեսել և զայն՝ զի ո՛չ սակաւ անհամութիւնք են պուետիդ ՚ի կրօնականին, զորոց խօսել ո՛չ է տեղւոյս: Իսկ վնասակարացն: Նորա անզգուշութեանց (կամ լաւ ևս ասել՝ ապերասանութեանց) ՚ի Քաղաքականին՝ թուի թէ և Դուք իսկ ինքնին ՚ի վերայ հասեալ եք, քանզի ՚ի քաղաքաւստոյն նորա (յ810 թին Արշալուսոյ) է՝ ինչ՝ զոր ո՛չ ճշդի հաւատարմութեամբ՝ այլ փոփոխելով իմն ՚ի մէջ բերէք: Այո՛, գո՛րծ է այդ խոհեմութեան, այլ ոչ՝ ե ճշմարտասիրութեան:

Մ. Մսերեանց

Մսերյանների ֆոնդ, վավ. 1986

ԾԱՆՈԹԱԳՐՈՒԹՅՈՒՆՆԵՐ

№ 1

1. Սարգիս Ջալալյանը ներսես կաթողիկոսի հանձնարարությամբ իրեն լիազոր-քննիչ 1853 թ. դործուղվել էր նոր նախիջևանի և Բեսարաբիայի առաջնորդարանը՝ Միքայել Նալբանդյանի շուրջ ստեղծված կեղծ նամակների քննության համար:

2. Նկատի ունի 1853 թ. հուլիսի 18-ի թվակիր իր նամակը, որով Մսերյանին խստիվ հանձնարարել էր ուսուցչության վկայական չտալ Եի Վեհափառ կաթողիկոսին փախստականս Միքայել դպիր Նալբանդյանին:

№ 2

1. Լաղարյան ճեմարանի վերատեսուչն էր պրոֆեսոր Մկրտիչ Էմինը (1815—1890), իսկ կառավարիչը՝ (գիրեկտոր) դեղագետ Սեմյոն Զելենոյը:

№ 3

1. Լազարյան ճեմարանի հոգաբարձուն Հովհաննես Լազարյանն էր:
2. Նալբանդյանի նամակը ուղղված Մսեր Մսերյանին, չի պահպանվել:

№ 4

1. «Հրահանգ քրիստոնեական» գրքի լրիվ վերնագիրն է՝ «Հրահանգ քրիստոնեական հաւատոյ րստ ուղղափառ դաւանութեան եկեղեցւոյ Հայաստանեայց»:
2. Նամակագիրը չփոթել է անունները՝ իրականում «առաջինը», որ պետք է մեկնեն իր գյուղը, վերադառնալով է Հովհաննես Լազարյանին: «Երկրորդը», որն ուղևորվելու էր Տփլիս-էջմիածին, Ազաֆոն Հաքիմյանցն (Ակիմյան) էր:
3. «Գործը» վերաբերում է հաշատուր Լազարյանի երկու դուստրերի՝ «չհաս» ամուսնության թուլլովությանը՝ իրենց հորաքույրերի որդիների հետ: Քանի որ ներսես Կաթողիկոսը դեմ էր այդ ամուսնություններին, Լազարյանները ձգտում էին թուլլատվություն ստանալ թեմական առաջնորդից: Հայտնի է, որ հակառակ կաթողիկոսի ցանկության՝ Մ. արք. Վեհապետյանն օնգառաջում է Լազարյաններին:

№ 6

1. «Անգուլ թախանձող» անելով նամակագիրը նկատի ունի Ազաֆոն Հաքիմյանցին:

№ 7

1. «Արշալույս Արարատյան» թերթի 1867 թ. հուլիսի 8-ի 809 համարում տպագրվում է խմբագրական մի հոդված, որը ծանուցում էր Սմբատ Շահազիզի «Լեւոնի վիշտը» պոեմի տպագրության լուրը: Հոդվածագիրը շերտավաճառ ներկայացնում է Շահազիզի գործը՝ «Երիտասարդ հեղինակը, — գրում է նա, — հայրենասիրական եռանդուն ոգի է շարժյալ, մեծ տաղանդով ու սրտաշարժ կերպով կնկարագրե Հայաստանի դժբախտ վիճակը, խստիվ կքննադատե փառասեր ու արծաթասեր երեւի ազգայինները, առանց խնայելու վարժապետաց մեծագույն մասը և զկղերը, զորս բարեկամ խավարի և տգիտության կանվանե: Կհորդորե զազգը ի կրթություն, ի լուսավորություն և ի հառաչողություն ըստ պահանջման ներկա զարուս»:
2. «Զղայտակա» գրքույկ անվանումը պետք է ընկալել իբրև ետլրաեղյաեակա գրքույկ: Նկատի ունի «Լեւոնի վիշտի» նալրանդյանական ոգին:
3. «Դիմակակիր հեղինակ» անելով Մսերյանի փորձում է նսեմացնել Շահազիզ-բանաստեղծին, նրան դարձնելով սոսկ Նալբանդյանի դիմակակիրը:
4. «Արշալույս Արարատյան» թերթի հուլիսի 22-ի 810 համարում խմբագիրը «Լեւոնի վիշտը» պոեմից հատվածաբար հրապարակել է 61 քառատող: